


CHINESE - JAPANESE LIBRARY OF  
HARVARD - YENCHING INSTITUTE

AT HARVARD UNIVERSITY

FEB 8 1940

T 3183/0.81

3182/81



欽定四庫全書

欽定四庫全書

欽定四庫全書

欽定四庫全書

欽定

湖廣通志缺葉表

卷十七第二十葉

卷二十二第二十二葉

欽定四庫全書總目

國朝總督湖廣等處地方兵部尚書兼都察院右附都御史邁柱等監脩楚中輿記史亦史古九卷宏之荊州記庚仲彥汝州記漢水記梁元帝荆南地志郭仲彥湘洲記湘洲副畵記陶岳零陵摠記韋宙零陵錄范祖師巴陵古今記吳從政襄沔記類多湮沒不傳即傳其六鈔缺失次魏裳湖廣通志廖益南楚大紀陳士元楚之略出自近代又往之缺漏冗濶不足依據是志成於雍正十一年乃邁柱及湖北巡撫德齡湖南巡撫趙宏恩奉

詔纂輯以湖南湖北合為一書與江南通志合上江下江為一者條例相同大取按康熙甲子旧志為本而以類附益之其目或增或併松為三十二門又附見者十三門人物門內又別為四子目條分縷析按籍可稽惟長沙遠隔洞庭當時開局武昌採訪未周故所載稍略不及湖北之詳備云



海虞通志卷一  
盛時二公分陝治化之成其風始於  
江漢今

天子治定功成禮明樂備賓門穆穆內則  
部院外則督撫所以佐

九重清問之勤登斯世於雍熙者實惟諸  
臣是寄顧臣謏才其何以對揚

寵命方切兢惕既至而藩臬諸司以通誌  
來呈曰是前撫臣王新命奉

旨纂修業有成書願得一言爲序臣曰諸  
君知楚志所以重乎咸肅容而對曰  
自帝命祝融焯耀天明於南離之塗  
傳稱左史倚相能讀三墳五典八索  
九丘降而屈宋摛詞遂與日月爭光  
斯文代啓肇允此邦詳其記載史氏  
之大綱具焉楚志之重宜與他省異  
臣曰載筆而述數千年之掌故數千

里之山川疆域非取法乎良史曷以  
傳後然而楚志之重不在此夫楚自  
晉以來南北爭衡常爲天下樞故其  
出鎮於茲者必盡一時之望如羊鉅  
平杜當陽陶長沙其所建樹訐謨辰  
告皆足遺百世之謀以及仁祖元規  
徒以嘯咏風流猶足焜耀後代想其  
遺躅邈然難追今臣奉

天子命督楚保茲南邦爲時藩輔非有鉅  
平當陽長沙之公忠亮績曷以繼起  
而告無罪今試考兵制則有綏和邊  
鄙如羊公者乎稽財賦則有通漕零  
桂如杜公者乎述政事則有運甓惜  
陰如陶公者乎凡人博稽載籍或以  
古人之行事不必大勝於今及身履  
其地歷其事而觀其不動聲色用心

周密如此然後歎古人之真不可及也今楚之事勢較咎孰難而臣蒞事數月未有一事克繼三公之烈者所以撫編而歎息也諸君鶴行濟濟劉昆長者之言天門宿辦之績寧不覩前載而思勉哉不獨惟楚有材而材於楚者實足以重楚斯志之所以異他省也若夫遠稽帝鴻荒忽之緒與

夫朱陵峽上龍宮鮫室之奇以夸勝於天下抑又末矣

康熙二十三年歲次甲子孟秋穀旦  
總督湖廣等處地方軍務兼理糧餉  
兵部尚書兼都察院右副都御史臣  
徐國相謹撰



湖廣通志序  
全卷之圖畫其五南

湖廣通志序

嘗按十五國之方輿惟楚為大凡十

五郡二州風亦異尚事亦異宜土司

襍處邊鄙焉志也者經其綱而緯其

目鉅細畢陳者也楚之域介在八省

之中襟江帶漢跨豫據荆東連吳會

西通巴蜀南極沅湘北控關洛襄樊

居上游之要害糜羅扼交廣之咽喉

湖廣通志序

卷

包溪洞而制巫黔崇岡絕險右洞庭  
而左彭蠡巨澤汪洋溼泱泱乎言楚之  
大楚誠大矣然而地當四塞之衝勢  
領建饒之首郢都一鎮實爲最重爭  
衡握奇今昔同揆綏靖是邦者保又  
全湯綢繆桑土匪異人任也我

國家混一區宇聲靈赫濯文德武功邁  
越百代迺舉全楚之疆寓析置南北

兩藩分治星沙鄂渚其間士田貢賦  
夙著沃饒川嶽人文聿稱雄秀所以  
考鏡前徽昭示後襍載稽舊績仰贊  
新猷垂一代之典章表四方之軌範  
不於文獻之足徵是賴乎則是通志  
一書所關於治道民風尤非渺淺邇  
者滇孽拒命弄兵潢池蹂躪楚南虔  
命劉赤子於是

命將出師用彰

天討虎賁鐵馬犀甲樓船用正奇兼剿撫

宣力於三湘七澤間以奏蕩平之績

者悉出

廟謨之獨運偉矣哉

皇靈遐暢一怒而安天下之民夫天下之

安安於楚楚之安安於

聖天子之一心神機秘策振古未之有也

赤壁陰謀當陽武庫安足數哉戡定

之後懷柔震懾惠輯黎元以再造此

楚疆因革既禪於至治悅來克返乎

淳風則是楚志一書於紀言述事之

中為憲萬邠者又何如耶今天下同

文之化式於九圍萬里廓清海外有

截舞階之干羽復見虞廷享國之共

球比隆商世爰

詔儒臣弘開史館纂修

大清一統志用徵直省通志一如秦豫體  
裁以備石渠之採擇督撫諸臣延攬  
碩彥名流次第編輯以進楚志既成  
方登梨棗臣蒙

特恩起田間填撫楚北初入疆遂得樂觀  
其削藁卷凡五十類分三十有四楚  
之山川形勢風俗人文與夫典禮兵

農戶版方貢一展卷莫不犁然具備  
矣臣雖未與校讐之任而方伯臣實  
董其成以臣畀任斯土例得書名簡  
端請述一言弁其首臣惟脩志之難  
同於作史曷言乎其難也楚地連年  
兵燹琬琰獻徵委諸草莽世家掌故  
煨燼灰飛則事跡消沉家乘淪落矣  
安得信如金石其難一月旦亂於朱

紫方言流作丹青水母螻蛄尋聲炫  
目求金索米博易虛名則野史僞駁  
袞誅紕繆矣豈能筆似左狐其難二  
我

皇上聰明天誕萬幾之暇無書不覽

宸藻天章昭回雲日今志之成也上登冊  
府使非扶風夾漈之才博綜羣籍蒐  
採精嚴何以克副龍門蘭臺之任仰

佐石室金匱之藏苟一漫漶非夸則  
誣其難三於斯三者慎考覈廣網羅  
以三楚百年之廢墜辯晰其襲舛承  
訛俾千秋四國之觀型贊述爲遺芳  
信史左史倚相楚材也能師而繼之  
庶幾無忝乎臣於是竊感發焉起凋  
殘而繁庶不觀戶口之登耗乎醒寐  
惰以儉勤不觀風氣之淳漓乎維垣

設險惟關河阨塞之是求渠引隄防  
在田野蕪治之可問裕國也保民也  
則於賦稅之盈縮事物之機祥足資  
深警而澄清吏治表章風烈克詰戎  
兵興崇文教又莫不炯鑒於昔賢良  
規於陳迹也是皆臣之責也而於斯  
志之紀載揚權敢不兢兢祇畏哉詩  
曰漢之廣矣不可泳思江之永矣不

可方思言南國被王化而江漢之間  
風移俗易於變時雍也撫茲江漢之  
民願詠歌

聖德也如斯臣不敏期與百司庶職尚共  
勉之哉謹序

康熙二十三年歲次甲子孟秋穀旦  
賜進士出身巡撫湖廣等處地方兼提督  
軍務都察院右副都御史仍帶降四

通志序  
級臣慕天顏恭謨

通志序

皇帝御極之二十有二年夏四月

勅令禮部察催各省通志以備纂修

大清一統志甚鉅典也臣新命備員楚北

接准部咨星夜董率所司選集紳儒

設局編輯詳慎叅核書既成除送禮

部外理合

進呈

御覽臣身際昌期欣逢盛事拜手稽首颺  
言於簡端曰天地清寧之氣聚於人  
而成英傑發於世而爲文章上古圖  
書獻瑞景卿呈奇皆文章之所徵也  
易曰觀乎人文以化成天下書曰帝  
德廣運乃聖乃神乃武乃文唐虞敷  
華至理未嘗不言文也天下大文章  
經史而外厥惟志書蓋經如日月麗

天江河行地史則大書特書筆削凜  
然爲千萬禩衡鑒若夫驗風土考人  
物稽沿革非志不備故周禮有小史  
外史掌邦國四方之志我

國家右文盛治薄海同風我

皇上天縱聰明乘乾御極

聖不自聖博覽羣書經筵講論寒暑不輟  
宸章睿斷指授方畧區域之廣車書一統



海虞通志  
之盛亘古希聞

命儒臣纂修

本朝會典一統志諸書以彰制度以紀方  
輿誠天地清寧巍巍蕩蕩之極也臣  
在楚言楚伏念楚之先鬻子爲文王  
師其習墳典讀丘索者皆楚之名賢  
也翼軫之野江漢衡湘之境實產譽  
髦今楚之士大夫奮庸熙載於

朝耆儒宿學就閒修德於家皆好學深思  
殫見洽聞各出所知闡揚逸事訪證  
舊文綜覈搜羅仰佐

聖代文明猗歟盛哉是集也序次有規編  
緝有體分條晰目據事直書俾山川  
風俗人物土宜因革損益莫不昭陳  
燦列瞭如指掌臣不文不敢妄出末  
見以考訂刪補於萬一竊以爲天下

之大文章茲編亦其一也抑臣更聞  
之曆數家言凡一百八十年三元周  
而復始今歲甲子重起上元爲天道  
維新之會當茲一統太平千秋景運  
而楚省志書適於此時告成將見楚  
之多士接踵而黼黻

皇猷草野耕鑿者鼓腹而歌  
帝力均於是書兆之矣臣謹序

皇清康熙二十有三年歲次甲子春三月  
穀旦巡撫湖廣等處地方兼提督軍  
務都察院右副都御史加四級臣王

新命謹書

湖廣通志序

自古聖人經理天下憂勤民生別疆域而定制制度始於禹貢詳於周禮以九州之大山川土田貢賦道里莫不身親胼胝修正會同邦國鄉遂之政比閭族黨丘甸井邑之法粲然並列罔有或遺凡此者所以使民安其居而樂事勸功也夫苦其身勞其心志

行於政治載之方策以保民而信後  
故禹周公之功德至今稱之後世地  
理志諸書雖咸祖此意而代有廢興  
不甚彰灼於是裨官小史率操筆而  
綴其所聞蓋上之人或政治未暇無  
意及斯或一時舉行僅循故事則不  
惟功德不如禹周公卽文采亦有未  
逮也我

朝控制萬里環四海之外以爲帶  
皇上乘乾纘緒聲教四訖

詔天下郡國纂修通志以成  
昭代之典章蓋治定功成禮修樂備而方  
輿圖籍因革損益有未盡善何以著  
車書之盛爲憲章之美也耶

皇上功德廣被惠養元元媲美唐虞洋溢  
無際而

聖學懋修

宸章煥發典謨訓誥之文卷阿假樂之詠

宣布中外者郡國之吏仰觀

睿作如日星河岳光芒渟峙故遵奉令甲

惴惴以弗克仰副爲慮乃廣延譽髦

搜羅掌故積歲月而次第成書頃恭

承

簡命撫茲南楚蒞事之日詢及此志知編

摩垂就因檢點篇章涉覽梗概見楚

地之輿衍山岳江湖之形勝與人材

民俗典墳丘索歷世之盛衰下至飛

潛動植地之所產纖細畢載嗚呼以

是而爲紀訓陳臬備甲乙之觀與禹

貢周禮金垂於萬世亦庶乎其可矣

然非

皇上功德文采與古聖同符其遂能臻此

乎倚歟盛哉然又竊有感焉禹貢記  
荊州之域曰江漢朝宗於海言江漢  
至此而有朝宗之勢也周南之詩曰  
漢之廣矣不可泳思江之永矣不可  
方思言文王之化首行於江漢也夫  
江漢發源於雍梁尾閭於揚州之境  
而其至荆也勢已效順不復狂瀾肆  
逞矣文王修行仁義遠在豐鎬乃聞

風習化南國爲首稱焉豈非天地清  
淑之氣鍾於斯土故當洪波汎濫與  
德化初行之際有不同於他州者乎  
卽以近事論之蹂躪障遏楚當其衝  
供億掃除楚扼其要勞於一時利及  
億禩固

皇上神武者定而楚人則猶然江漢之遺  
風也鋒鏑旣消雨露旣降遂能從事

筆墨纂輯舊聞是又

聖天子文教覃敷霑濡已久縫掖之士篤  
於儒行雖造次不廢詩書耳和八方  
之風定九州之制

皇上憫恤蒸民益弘闡澤宜無先於楚矣  
故執筆踴躍而書於末簡

皇清康熙二十三年歲次甲子春三月穀  
旦巡撫偏沅等處地方提督軍務兼

理糧餉都察院右副都御史 臣 丁思

孔謹撰



湖廣通志序

夫志何昉乎周禮外令掌四方之志  
職方氏掌天下之圖以掌天下之地  
訓方氏掌道四方之政事與其上下  
之志誦四方之傳道正歲則布而訓  
四方而觀新物此志之所由作也然  
志不昉於周禹貢先之矣其在夏書  
曰荆及衡陽惟荊州又曰江漢朝宗



於海雲土夢作乂而田賦土物水經  
貢道以次及焉是禹貢周禮固楚志  
之權輿也迨後載籍日興袁崧之宜  
都盛弘之荊州宗慄之荊楚歲時羅  
含之湘中鮑堅之南雍記也而志矣  
習鑿齒之襄陽耆舊鄒閔甫之楚國  
先賢傳也而志矣余知古之渚宮遺  
事范致明之岳陽風土雜錄也而亦

志矣要之記可爲志傳可爲志雜  
無不可爲志而離禹貢周禮必不可  
爲志無遷固蔚宗之才無涑水紫陽  
之學與識而是非倒置予奪失真有  
戾於春秋勸善懲惡之大法尤不可  
爲志太史公南遊江淮闕九疑浮沅  
湘足蹟幾徧宇內而其所誤著已非  
故府柱下之藏其傳貨殖也僅稱楚

地多飯稻羹魚火耕而水耨地勢饒足無饑饉之患他不具載志寡之弊龍門猶有譏焉後此者耶臣奉

詔旨預修湖廣通志自惟固陋之材不任樸斲廼訪求邦之士大夫博瞻工文者若而人孰挈厥綱孰條厥目分曹而並較之本蒲圻魏裳舊志參以記傳雜錄諸書益以

本朝四十餘年之近事且戒之曰謹嚴以立法簡覈以述事雅馴以鑄詞其勿苛勿濫勿膠勿襲以貽厥咎誠慎之云爾夫方域莫大於楚襟洞庭跨彭蠡東連吳會南控甌廣西交黔屬巴夔之地又山深而土腴星分翼軫位介南離其形勝足以控上游而雄帶礪蓋河山表裏之國也覽是編也聚

米布綦瞭然指掌而循吏偉儒忠臣  
孝子烈女之屬與隱逸緇黃之卓然  
可紀者復踵趾相接於其間古今因  
革之宜人材升降之故經史所未詳  
而志備之一一可考而知也志願不  
重歟雖然自秦弓衅甲以來聲教四  
訖旅獒馴雉重九譚而至遐邇罔不  
賓服而

聖天子漸仁摩義又安百姓德益盛而化  
益醇所尚者不止十二百二之雄也  
昔黃帝以上元甲子造曆今適逢昌  
會將見典禮樂建中和巍巍蕩蕩之  
勛媿於大禹之底定南條軼於周文  
之風行汝漢其爲播諸雅歌勒諸金  
石者方大書特書而未有已也楚乘  
云乎哉

康熙二十有三年歲次甲子清和上  
浣之吉

湖廣湖北等處承宣布政使司布政  
使臣王定國謹撰

湖廣通志序

寓內名山大川嶽瀆視公侯埒楚兼  
有其三祝融作鎮離宮江漢襟帶南  
紀參嶺之盪胸豁日洞庭之沐日浴  
月三湘七澤氣壓扶輿二酉五瀦光  
聯翼軫其人能讀墳典丘索之書其  
產多榘楠杞梓之材其賦悉羽毛齒  
革之利貴國紀而賤白珩瞻朝宗而

咏廣永洵泱泱大國之風也歟  
兵荒薦臻中谷嘆其化離與區鞠爲  
茂草楚風不競曼曼手難之我

國家大沛如天之仁下蠲租之令勤勸  
農之詔由是哀鴻集於澤中石田稍  
就鹵莽生聚教訓風移俗易比者耆  
定底績歲復不登我

皇上軫念遐陬加惠二元元

賜明年田租之半敦本重農治臻上理文  
德誕敷聲教四訖爰

命史臣纂脩會典勒成

昭代一統之良書表彰

聖朝萬年之德教

詔下十五國各以志書彙

進詢之故老僉曰楚志未脩者百有餘年  
爰偕諸臣集湖南北士之讀古者若

而人館於棘院蒐採典故諏訪新聞  
汰靡芟冗披華務實丙夜讐校刻期  
告竣凡五閱月迄用有成

臣仲舉

備

員南徼獲覩聲名文物之盛拜手稽  
首颺言曰竊惟古者國有史今之志  
古之史也條分縷晰見聞異辭編年  
紀事殊途一致志圖沿革則考卜  
作邑之規模時代因革之隆替可考

知也天垂象聖人則之經緯燦列  
躔度昭然星野可考而知也氛祲關  
乎氣數春秋言災異不言祥瑞天道  
遠人道邇祥異可考而知也志疆域  
山川則道里之阨塞瞭如指掌溪巒  
之秀特圖可臥遊風俗志則知秀樸  
之剛柔異性形勢志則知風土之燥  
濕異宜設險以守其國城池必書綱

湖廣文元  
三  
五  
繆以固吾圉兵防必書楚稱澤國九  
江孔殷雲土夢又汪洋千頃生民魚  
鱉於是隄防有志自雲陽氏肇都沙  
丘哀然南服嗣是以降鬻熊開國篳  
篥籃縷以啟山林代有迭興彷彿本紀  
世家之遺志帝王封建戶口志而生  
齒之繁削版章之登耗不必繪圖矣  
志田賦而箕斗之詩可陳志物產而

星畱之象如見志職官公署欲其靖  
共爾位無曠厥職志學校樂書義之  
長育志選舉美械樸之作人尼山一  
席俎豆不祧下及理學諸儒咸有功  
於名教山川出雲雨則祀之能禦大  
灾捍大患則祀之崇德報功以昭明  
信志祠祀九疑之馬鬣可封首丘之  
樵採亡恙尊禮往哲風勵將來志陵

墓希文振響於岳陽青蓮閣筆於黃  
鶴山川醞釀之氣有以發之而浮屠  
老子之宮亦與焉志古蹟寺觀前事  
者後事之師南國甘棠在望峴山片  
石猶存志名宦天生人才以供一代  
之用惟楚有材蔚爲人宗志人物以  
至孝義之士志與日月爭光節烈之  
流心可貫乎金石是宜大書特書聞

幽表微而獨行高隱遯世無名遷客  
騷人徘徊佳勝則隱逸流寓例得並  
書二氏醫卜事或見於雜紀小道亦  
有可觀志儒釋方伎至於屈宋擅騷  
賦之祖杜孟爲詩學之宗採華摘藻  
代不乏人此又經國之大業不朽之  
盛事志藝文而禪官野乘之說齊諧  
志怪之論搜渤不遺用資採擇故以



雜辯贅之末簡焉志具矣美備矣倚  
歟盛哉竊聞之卷阿矢音侈言土宇  
版章多士藹吉而終之以遂歌蓋以  
誌一時喜起盛事今者編輯成書山  
川改觀一道同風

聖天子右文雅化將與嶽瀆並其高深太  
和在宇宙間矣於以圖成王會黼黻  
皇猷則有載筆之史官在臣謹序

皇清康熙二十三年歲次甲子春二月穀  
旦湖廣湖南等處承宣布政使司布

政使臣張仲舉謹書

湖廣通志序

粵自九州同而山經作八荒通而職  
方紀夫子成春秋取資百國左史博  
物傳稱其能讀九丘之書古者列國  
之史卽列國之志也梓慎禪竈談天  
如響是星野祲祥有志也具敖之山  
清泗之水汶陽之田殷民之族爽鳩  
季荊之墟皆綴於冊是山川土田戶

口沿革有志也雲龍水火之師梗楠  
杞梓之才或識其名或藉其用是秩  
官選舉有志也成季之勲宣孟之忠  
恭世子之孝其姜伯姬之節鍾儀士  
風之思備書而不削是人物先賢孝  
友貞烈流寓皆有志也志星野祲祥  
者依乎天志山川土田戶口沿革者  
依乎地志秩官選舉志人物先賢志

孝友貞烈流寓者依乎人三才備而  
志乃成焉志可易言哉我

國家聲靈遐暢海隅日出罔不率俾幅  
員之盛視古舜梧堯柳鳥穴鷄田乃  
益過之

聖天子典學右文孜孜如不及

特詔儒臣纂脩

大清會典暨一統志諸書於是郡國通志

亦以勒成而楚書銀梓將竣尅期奏  
御臣道祥適奉

簡命濫竽楚臬恭逢千載一時之慶例得  
颺言簡端臣請在楚言楚可乎謹按  
楚之爲域界八省而處其中洞庭雲  
夢吞吐日月峯岳朱陵噓噏風雲誠  
南紀一大都會也然考漢書地理志  
其民刀耕火耨以漁獵山伐爲業毗

窳而無積聚故財賦僅當東南一大  
郡而地居水陸之湊輪蹄舟楫出入  
無時往者

開國之初用師百粵及我

皇上載靖西南名王大帥鐵騎樓船皆  
以江漢爲進取之地故三戶之民勞  
最可念也而其民雖當追呼窘迫罔  
不輦輸恐後攘臂連肩以佐行間之

急古所謂挑弧棘矢以供王事者至  
今日無異軌焉故天下惟楚民爲最  
順而或者以其不列於十五國之風  
不與於春秋冠帶之會盟以爲楚詬  
厲亦大非此日之楚矣今書成而星  
野稔祥瞭然也山川土田戶口沿革  
秩官選舉人物先賢孝友貞烈流寓  
秩秩如也麟麟如也其取類簡其指

極也大質而文約而該綱舉目張而  
無所紕漏顯微忠厚而仍不失謹嚴  
之旨是檇杙鷄次之所不能媿而襄  
陽耆舊楚國先賢之所不能絜長而  
較短也持是效之

當宁備甲夜之

省覽而藏之蘭臺寶之石室楚自此其張  
矣乎臣得藉手以告成事執筆有餘

幸焉謹拜手而爲之序

康熙二十有三年歲次甲子秋七月  
穀旦湖廣湖北等處提刑按察使司  
按察使加五級臣張道祥謹書

湖廣通志序

間嘗披職方之版覽黃輿之勝而見  
宇內幅員惟楚爲廣且袤焉其間列  
郡十五隸屬之邑百一十有奇而九  
江之所控引三湘之所襟帶雖沃瘠  
殊壤山澤異國而納秸輸筐靡弗齊  
也自昔以鄂城爲會未聞畫南北而  
區分之

國初亦因其舊我

皇上御極之始達聰明目慮楚徼殷遙秉  
鉞者鞭長弗及

命於洞庭以南再樹藩屏建閩星沙亦  
如吳會之有東西關陝之分左右凡  
以懷柔吾民鎮撫茲土故陳殷設輔  
置臬平亭不爲畧也然亦廣爲節制  
以示長駕遠馭之方未嘗界全楚而

二之也至有大期會大徵調則湖以  
南所屬之郡邑咸相率征繕而聽命  
於統督之大吏無或敢後此又

聖朝鈞連繩貫之法然而規模宏遠矣頃  
者武成大告寰海晏安我

皇上撫茲全盛乃勤

睿慮謂自畿甸以達荒蔡版章之寓有逾  
於古章亥之所步者苟王會之圖車

書之地不為考定非所以垂來許而  
昭無外爰下括地之

令 詔大臣之職在封疆者各徵部內之  
文獻以

上凡天樞地絡物產民風奮武揆文旌  
賢進士以及農桑錢穀邪郭津梁雖  
閨壘之質緇黃之侶罔弗臚列俾洪  
纖畢舉精獮鮮遺又虞奉行或怠因

嚴立程限縹軸以進

王綸既渙楚之大吏拜手肅將迅下其

事於所司而楚南藩 臣仲舉 暨楚北

藩 臣定國 相與虔共夙夜亟徵紳士

之博聞者若而人互相討論或揭其  
綱或理其紀或採其實或擷其華閱

五月而有成緒其中剔繁就約補闕  
增新一以部頒豫陝兩志之式為斷



於以登之

御幄以授史氏供其采輯成

昭代之大典不於茲志攸賴矣乎臣於是

竊有幸焉岳陽以南用武之餘也中

澤之鴻以次還定茲山川如故城郭

依然而復被之以菁華紀之以史冊

聲名之盛埒于上國將大雅所稱矢

其文德洽此四國者殆於此再觀也

歟臣法吏也持三尺律期於明允以

佐

聖天子惟欽惟恤之至意是其職耳敢藉

口文儒以飾吏治而適觀此脩明之

盛事何能已於襄贊故輒颺言以附

諸簡末云臣謹序

皇清康熙二十三年歲次甲子春三月穀

旦湖廣湖南等處提刑按察使司按

察使加三級

臣范

時秀

謹書

湖廣通志序

楚列九州之一星連乎翼軫山峙乎

崇衡水滙乎湘漢地大物豐雄視東

南海郡國之名區也唐虞疆里天下

荆及衡陽紀載獨悉迨文王之化自

西而南漢廣江永已載風詩厥後班

固作地理誌點綴國風雜引延陵詳

於諸州畧於荆土謂楚之無風而不

海虞通志  
知汝濱江漢形爲歌咏播諸筦絃是  
楚無風而有風也我

皇上御極以來湛恩汪濊漸被暨訖內天  
保而外采薇文德武功誕敷無方爰  
咨儒臣博求載籍以弘石室之紀下

詔郡國徵碩彥輯遺書由是天祿之藜光  
映翼軫而參衡之良材湘漢之香草  
咸馳芳而振藻矣臣備員臬貳兼司

國儲奉職之餘遑及脩文而事稱不  
朽業號經國敢拜手而颺言曰休哉  
其

聖天子車書一統之盛事乎顧郡國之有  
志猶夫史也昔之論史者曰史雖以  
事詞勝實兼道法而有之以徵實則  
有事以綴文則有詞信而有徵之謂  
道直而不阿之謂法在左史故里典

墳丘索取之若寄屈宋景差後先輩  
 出望古遙集之餘芳草可以相資事  
 與詞無足難者獨是綜事詞之紛綸  
 衷道法於一定寧直無隨寧質無浮  
 寧簡無冗寧傳信無傳疑蓋節一誌  
 而衆善備焉由是登之內史仰資  
 甲夜之觀覽土田財賦兵防沿革諸大政  
 一披圖而燦然可考永江廣漢化行

俗美之風載見於

今日楚自此其與有光寵矣乎臣廷標謹

藉手為

當宁獻

皇清康熙二十三年歲次甲子春二月敕

日湖廣督理湖南驛傳糧儲鹽法

按察司副使加五級臣趙廷標謹書

皇清康熙二十三年歲次甲申七月廿三日  
當寧禮部尚書臣孫承澤謹  
撰

今日焚香自祝其與休光雖矣平日臣等  
谷美之風遠矣茲

湖廣通志序

今

國家控馭六合囊括八荒措天下於聲  
色不動之中一年而閩寇平一年而  
滇孽靖又一年而海氛息

神功聖武赫於涿鹿之禽蚩尤洞庭之格  
有苗京觀旣封虎旅旋振寓內宴如  
幾不知有兵革以至占風出日之域

罔弗梯航稽首納賚獻琛皇哉唐哉  
自古未嘗有也今二十三年甲子運  
協貞元湛恩汪濊中外禔福於是覃  
敷文教釐定典章

詔各省守土臣上志乘於史館纂爲一統  
志以垂永禩時適叅藩楚北奉檄分  
校學識弁鄙惴惴焉以隕越是懼顧  
昔從史官執簡之後竊嘗聞其畧矣

夫志近於史而原於經經也者其史  
之尾間乎史也者其志之星宿乎作  
史不由於經則無本之辭蹄涔焉而  
已修志不宗乎史則無體之學坳堂  
焉而已是故以經爲經以史爲緯網  
羅千載之上穿穴百家之間擒華撫  
實果皆墳典之膏腴引例發凡誠具  
南董之筆舌其事核其詞簡其義斷

其旨深以長夫然後一筆削一辨證  
如挾風霜如揭日月於中天而靡不  
照燭可以佐佑六經羽翼二十一史  
豈不謂之佳志矣乎否則魏之穢也  
褚之曲也稗官野史之誣且亂也烏  
乎志江淹曰修史之難無出於志文  
中子亦云遷固之失紀繁而志寡甚  
矣志之難言也楚乘經始於明之成

化甲辰間安陸蒲圻兩經哀輯徐學  
謨稱之曰安陸贍以麗蒲圻簡而則  
庶幾犁然備矣歷年既久篇帙散佚  
修志之難較甚於昔顧惟南金竹箭  
厥產爲良楚弓郢削專精者貴爰擇  
楚紳士之多聞而賢者分隸之體裁  
一訪豫志存舊者十之七增新者十  
之三日夕孳矻凡五閱月而編成州

居部署得若干卷披而覽之其山川則九江七澤之蕩潏太和衡嶽之雄奇也其田賦則荊州雲夢之饒長沙零陵之沃以衍也其物產則魚鹽菰稻箇籝菁茅之所資也其封建沿革則熊渠以下周漢以來同異姓之帶礪者且累百也其采循吏則峴碑萊柏之懿蹟巋然猶存也其表先賢則

龐公宅鶴山書院之遺軌儼然可卽也或則感靈泉以孝或則泣秦庭以忠或則投漸水以烈或則遜鹿門以逸高風軼塵至今可起頑立懦也與夫屈宋揚旌於前杜孟扶輪於後文章之彪炳懸宇宙而不刊也他若紺宇琳宮淨樂華存之所往來騎象騾鸞又往往不絕也楚志雖一家言詎



非當世考鏡之林哉易曰不出戶庭  
而知天下其在斯乎其在斯乎若夫  
蘭臺石室之彥有子長孟堅其人者  
起而導星宿溯尾閭俾滔滔江漢與  
兩都列國之風竝傳於以應元會之  
昌期建萬世不拔之業則三皇步而  
五帝趨漻澗東西與禹服五千之績  
不足侈也又將拜手而覘其盛矣

康熙二十有三年歲次甲子清和上  
浣之吉

賜進士出身大中大夫湖廣等處提刑按  
察使司分巡湖北督理驛傳鹽法道  
承宣布政使司叅議加二級前河南  
督理糧儲道叅議貴州道監察御史  
巡視東城

欽選翰林院庶吉士瀛州臣宮夢仁拜謨



一曰其地大而饒北望淮南屈嶺表  
縱橫萬餘里山樵而水漁沃壤再熟  
羽毛齒革栳幹栝柏與球琳瑯玕南  
金竹箭之奇所在多有四方有如楚  
者乎一曰其境險而衝參衡爲鎮江  
漢沅湘爲川洞庭雲夢爲澤襄鄖之  
幽澗五溪之菁叢疆所環二江兩粵  
滇黔巴蜀暨豫省凡九四方有如楚

者乎一曰其人多才而尚節習於武  
事春秋時左史倚相卽以能讀三墳  
五典八索九丘稱厥後屈宋景差唐  
勒之徒楊英吐葩風騷之盛實繼三  
百篇焉其山川奇特震盪之氣二廣  
中權後勁之遺慄悍果敢歷代稱之  
我

朝定鼎西南最後服徂征十數載所藉以

蒐軍實而給武備者唯楚近滇黔之  
變大兵南下輸將効力所恃以扼吭  
而制其命者亦惟楚四方有如楚者  
乎故曰不同者有三歲癸亥臣淳燾  
奉

命督學湖南北時四方煽亂俱已削平薄  
海內外罔不臣服其明年甲子

皇上允羣臣請方將東封泰岱燔柴瘞玉

告成功於上帝因省職方圖王會繼  
百代之盛典而楚省通志適成恭進

御覽臣惟古聖人治天下之書惟經與史  
若志者非經非史而實兼經與史而  
有之管者虞舜每歲四巡於以協時  
月正日同律度量衡脩五禮如五器  
用成風動之化蕭何入秦首取府庫  
圖籍以故具知天下戶口形勝強弱

之處佐漢高定天下後世儀衛旣煩  
時巡之制不可行所賴以不下堂階  
而周知海內者惟圖籍是問豈不重  
歟臣嘗仰觀于天太微一垣爲上帝  
明堂出政之區而翼軫二宿實處其  
下俯察乎地九州之內止五岳四瀆  
而荆各得其一中攷之人事當文王  
之世輜軒未採於列國而召南首入

王風宣王之中興也亦紀江漢然則  
楚雖一省其盛衰嘗爲天下先所係  
也鉅故紀之也不得不詳紀之必詳  
故核之也不得不至而視之也不得  
或輕臣竊推我

皇上已治求治已安求安之心則覽斯志  
也知其地之大而饒卽思慎擇賢良  
勸農力本以養生民而盡地利知其

境之險而衝卽思申畫郊圻慎固封  
守以捍牧圉而威四封知其人之多  
才而尚節習於武事卽思旁求俊乂  
鼓舞振興以爲後先奔走疏附禦侮  
之寄然則是志之進也豈徒以備大  
一統之輿圖供全楚之參訂云乎哉  
夫觀古今興廢察風俗貞淫詳當世  
得失之林以仰贊一朝同文之治固

使臣職也顧臣任事也後無能佐諸  
臣蒐羅攷定猶幸及其成而獲與目  
焉例得書名謹附數言於篇末

康熙二十三年歲次甲子孟秋穀旦  
提調湖廣通省學政按察使司僉事  
臣姚淳燾謹撰

五世其昌... 皇明... 東... 二十... 甲子... 孟... 錄... 且... 無... 言... 效... 未... 年... 其... 而... 與... 日... 外... 事... 以... 外... 無... 道... 也...

湖廣通志序

至治之世道德一而風俗同徵文考  
獻甚盛事也我

皇上晉出御極嘉祉翔洽萬國咸寧於是

聿修典文自五經諸史外編及天下

通志備外史小史之義以昭

大一統之模楚撫臣新命暨藩臬諸臣

工罔不懽忭肅恭期將所見所傳聞

湖廣通志  
進登

內府用襄

鉅典臣在格不獲以固陋辭謹與內陞

候補臣肇昌等就局分編凡五閱月

書成伏思志者誌也所以紀述其境

內之山川民物習俗利弊故史詳大

而志詳小而不慎不覈者不與焉三

楚之地翼軫分野荆衡作鎮連雍豫

而控揚粵帶江漢以跨湖湘幅員素

稱曠濶其郡邑市井之所由分山川

星野之所由辨田賦兵役之何以盈

絀吏治文風之何以盛衰而且建學

秩祀關乎帝王聖賢之重題名闡幽

繫乎表章選舉之全以至書其災祥

土宜可驗休咎而察豐耗書其古蹟

方外可鑒得失而判正邪蓋惟前者



有作後者有考也而自屢經兵燹後志之未修者率百有餘年間有存者復多散逸舛訛居今稽古遐思邈覲錯舉則不便於流覽彙括則難免於疎漏自非博撫嚴收傳信闕疑其能合於體要者鮮矣我

皇上聖神文武天縱日躋觀乎人文以化成天下書有之曰光被四表格於上

下協和萬邦黎民於變時雍猗歟休哉維楚撫臣殫思研慮綱舉目張令湖北湖南有事授簡者各分其任照河南陝西志例自義皇以至

昭代黽勉謹稟彙集成書草創甫就乃至驛鹽道臣夢仁又經藩臣定國次第查閱而後臣等再訂雖在楚言楚終屬管窺蠡測而宋柱杙楔具而成

室匏竹金石合而成音副贊史策抑  
採風之所不遺也臣草茅枯朽無由  
仰報

國恩竊附芻蕘工替舞蹈歌詠之末以  
恭紀

重熙累洽巍煥文章之景運直億萬年  
無疆之慶矣臣謹序

康熙二十有三年歲在甲子春三月穀

旦原任江西管理通省驛傳鹽法道  
按察使司叅議臣胡在恪謹書

湖廣通志序

今天下車書一統薄海晏安家敦淳  
厚之俗民無水旱之災

聖天子治定功成禮明樂備乃

勅閣部諸臣纂修會典令天下各修緝

省志用襄一統大志成久安長治之

鴻模於是巡撫湖北臣新命協同巡

撫湖南臣世琦接任巡撫湖南臣思

孔爲總裁設局於武昌之棘院湖北  
布政使臣定國同湖南布政使臣仲  
舉爲提調又以南北兩按察使臣爲  
監修以南北分守糧儲驛傳提學諸  
臣爲協理首徵臣肇昌爲討論蓋以  
臣昌爲楚人悉楚事且能知楚士之  
堪掌故兼搜楚書也卽以仲冬月董  
厥事檄府縣旦夕賫各志書暨原任

江西驛鹽臣在恪原任平武知縣臣

柱朝商確酌議又延江夏教諭臣希

良等二十有五人齋遯較緝弗怠厥

事上諸撫藩諸臣以成畫一凡五閱

月而告成裝潢卷帙計八十例三十

二蓋秩秩有序毋貽隕越矣臣昌惟

古外史掌四方之志小史掌邦國之

志古於志通以史領之而志又通謂

之史自班史立志始析爲一體後之  
爲志者則一郡一邑而天文地理人  
物年表列傳舉史之全體靡不具所  
以章往察來存疑示信非徒矜一長  
騁已見尋常著作家之所能任也嘗  
稽廖道南之稱博雅陳士元之名古  
奧魏裳之典核何遷之追琢皆以楚  
人言楚事多所發明然經年累歲各  
不相依至徐學謨酌中採緝閱兩載  
始得大綱而蹟多附會文或浮諛臣  
等處無諱之

朝生大備之世得以據見博議又在事  
皇上諸臣皆精心殫力矢慎矢公持簡於  
上臣等復以管測隨其後自耳目所  
及溯百千餘年之遠凡縉紳學士與  
夫溪山窮谷之旄倪無不諏問昌言

徵之稗乘寧實無華寧簡無繁聯彼  
此之異同成和衷之嘉命故能勒時  
告竣其於我

皇上右文崇古顯微闡幽之大化或能仰  
博副萬一也且楚地遼濶阻山帶水由  
湘而論湘有南北由洞庭而分湖有  
南北洞庭而下江復有南北雖條分  
縷析仍聚為一書庶綱舉目張不致

參錯且以占天下一家之義也由是  
披圖而覽江漢之朝宗山川疆域瞭  
然矣貢賦之精詳人民之繁庶賦役  
戶口犁然矣仰觀於天三垣之燦爛  
環象之晶瑩分宿分度無差忒矣虎  
旅之分鎮鈴柝之整嚴

聲靈赫於下國矣官常列而名分尊武  
勲定而材勇見膏雨旂常覃敷

王命矣他如志選舉以彰教化志忠孝  
節烈以扶名義卽石隱之流文章之  
士亦皆鬱積孚尹所以羽翼

清時則是書也掌之邦國被之輜軒於  
以壯大一統之盛昭千萬年之典策  
亦古者陳風納賈之遺也臣謹序

康熙二十有三年歲在甲子春三月穀  
旦內陞候補京堂前任廣東提學道

臣陳肇昌謹書

湖廣通志序

志何昉乎昉於史也墳典以道政事  
丘索以象風土禹貢職方晉乘楚檇  
杙志所由昉乎嗣是而方輿勝覽寰  
宇記一統志卷帙繁興凡風俗人才  
制度名物因革損益之事靡不悉具  
亦作史者之先資焉楚介在南服左  
史倚相讀古好學已開風氣之先特



未勒成一書以洩其山川醞釀之氣  
國家值重熙累洽之時

聖天子覃敷文德纂修會典爰登十五國  
之風以備採擇南北撫臣藩臣下其  
事於郡邑猶慮舊志漶漫闕畧非所  
以揚扆至治也延攬士類適館授餐  
示以旨要徵文考獻而諸臣復手加  
筆削潤色弘猷善而徵信而從洵治

世之良書經國之嘉謨矣史言太和  
在成周良以旦奭分猷東西宣化江  
漢汝墳政教遍於郊圻甘棠素絲德  
澤播於葑葍相助爲理故成一代興  
王之治楚雖三戶被化尤深今者分  
理亦如陝以東以西諸臣協和綏理  
敷宣

聖德化被南國則手斯簡冊直與二南媲

美上以佐

國家文治之休下以辨方土風物之宜

豈曰小補云臣柱朝草莽賤臣濫竽

簪筆以從獲厠擊壤鼓腹之編氓以

敷揚

聖化於萬一因不揣固陋而識其緣起於

末簡臣謹序

皇清康熙二十三年歲次甲子春三月穀

旦原任四川龍安府平武縣知縣臣

楊柱朝謹書

修志姓氏

總裁

總辦湖廣等處地方事務兼糧餉部尚書兼都察院右副都御史徐國相

行遼東廣  
清寧人

陞撫湖廣等處地方兼提督軍務都察院右副都御史王新命

純滿州籍四川  
椒潼川人貢監

巡撫湖廣等處地方兼提督軍務都察院右副都御史慕天顏

鶴陝西靜寧人  
鳴乙未進士

前巡撫湖廣等處地方兼提督軍務兼糧餉部尚書兼都察院右副都御史韓世琦

心滿州  
康人

巡撫湖廣等處地方兼提督軍務兼理糧餉都察院右副都御史丁思孔

恭遼東廣寧人  
嚴壬辰進士

提調

湖廣湖北等處承宣布政使司布政使王定國

貞奉天遼陽  
元人官學生

湖廣湖南等處承宣布政使司布政使張仲舉

儀遼東海城  
山人官監

編纂

分巡湖北驛傳鹽法道按察司副使宮夢仁

定北直靜海籍江南  
山秦州人庚戌癸丑

提督通省學政按察司副使姚淳燾

涉浙江烏程  
山人丁未

監修

陸任湖廣湖北等處提刑按察使司按察使李世昌

奕遼東人  
侯廕生

湖廣湖北等處提刑按察使司按察使張道祥

批江南徐州  
存人官生

湖廣湖南等處提刑按察使司按察使范時秀

實遼東瀋陽  
南人貢士

協理

分守武昌道布政司參議成光

仲直隸大名  
兼人廕生

分守湖北督理糧儲道按察司僉事尚崇善

元遼東人  
長廕生

分守鄖襄下荆南道布政司參議沈志禮

範蒲州人  
先廕生

分巡上荆南道按察司僉事祖澤深

仁遼東遼陽  
淵人廕生

分守岳常道布政司參議加二級甘文煥

若遼東人  
菴廕生

分守衡永郴道布政司參議朱士傑

宣遼東瀋陽  
菴人廕生

分巡驛傳糧儲道按察司副使加五級趙廷標

雲浙江錢塘  
岑人選貢

分巡辰沅靖道按察司副使加一級王舜年

孝山東掖縣人  
源丙戌進士

討論

原任廣東提學道今內陞候補京堂陳肇昌

扶武昌府江夏  
昇縣人戊戌

原任江西管理通省驛傳鹽法道按察司參議胡在恪

念荆州府江陵  
高人乙未

原任四川龍安府平武縣知縣楊柱朝

媯臨湘縣人  
宮己亥進士

參訂

江夏縣儒學教諭 張希良黃安人舉人

長沙縣儒學教諭 徐則論景陵人舉人

已未進士 熊開楚石首人

廩生 胡夢發大冶人

舉人 熊正笏漢陽人

舉人 胡之太黃岡人

官 李必果漢陽人

貢 蕭廣昭漢陽人

貢 舒逢吉廣濟人

貢 生 譚紹琬茶陵人

布衣 周士儀衡陽人

布衣 龍之池武陵人

貢 生 周璜善化人

校輯

原任興國縣知縣 何詢之漢陽人舉人

貢 生 吳元俊江夏人

貢 生 張仁熙廣濟人

廩 生 陳聖裔江夏人

貢 監 王戩漢陽人

生

員

胡珠黃岡人

貢

生

胡翼麟漢陽人

廩

生

瞿謙漢陽人

廩

生

鄒章周鄱縣人

廩

生

陳公祿邵陽人

廩

生

陶嘉鼎靖州人

廩

生

儲三近靖州人

分輯

武

昌

府

知

府

張萬鍾

祿遼東廣寧人貢生

漢

陽

府

知

府

黃州府

知

府

知

府

蘇良嗣

肖順天遼陽人蔭生

安陸府

知

府

知

府

傅鶴祥

繡河南汝陽水人蔭生

德安府

知

府

知

府

許廷試

可遼東遼陽菴人蔭生

襄陽府

知

府

知

府

范明宗

清順天籍會菴稽人拔貢

鄖陽府

知

府

知

府

楊廷耀

形遼東海州華人貢生

長沙府

知

府

知

府

任紹燿

思山西河津菴人進士

衡州府

知

府

知

府

譚弘憲

慎大興籍文伯安人進士

永州府

知

府

知

府

柯弼

翼遼東人甲衡午舉人

寶慶府

知

府

知

府

梁碧海

梁河南蘭陽園人蔭生

岳州府知府 李遇時

甬蒲州籍潘若陽人貢生

常德府知府 熊孟華

紫江西新建芝人廕生

辰州府知府 劉應中

推直隸井陘菴人戊子貢

郴州知州 陳邦器

允遵東蓋州臣人廕生

署靖州事辰州府同知 張士佺

瀛遠東人乙公外舉人

長沙府同知 熊中鶴

中江西南昌郎人監貢

凡例

一通志所以紀一省之槩萬國咸寧徵文考獻豈容或畧顧數取其詳晰而義歸於典確有本有末罔敢妄綴至於方言細行時或存之亦以備風謠之采

一山川為疆域表鎮而嶽峙川流淤決利害之故澤國多受其壑舉其形勢條貫併今昔疏防之計凡以

國賦民生所關匪小耳

一賦役戶口奉有全書俱歸畫一其附列前代以

備參考

一星野圖考高遠難紀互徵縷述各有端委匪敢妄為增損

一兵防查河南志例附入城池內陝西乃另立一條者按陝西總督將軍提督各鎮營與湖廣畧似而荊州新設將軍駐防金湯磐石控三楚以垂綏輯規模宏遠矣爰倣陝西志例另作兵防志

一志書原與史異紀載人物義不敢用褒貶然善善既取其長而往牒所不錄者歷來必有所見

至於潛德未彰幽貞宜耀公論攸同又非敢臆決而影附也

一三代以上人物不從類分而古今賢人君子人每援以為重凡生長流寓所歷之地不一而姓氏各著者或以志高山之仰

一職官自晉魏以來最為難考蓋其控制之地更名不一而又各以其一時所領之任兼攝官爵故時次姓名搜考史策十僅得其六七惟明代題名碑版頻經兵燹諏訪實難間記姓名莫辨時次品級缺漏之恨云如之何



一名宦鄉賢追崇旣在非事久論定者不書所以防諛也而未登紀述遺愛典型終不可諱者今日之口碑卽後世之俎豆矣至於古者官其國吏茲土無隔籍之分人物名宦或重見而複出非晉魏以下比也

一選舉科名歷代之制不一各以其類列之然亦有列其名而無所考者其出於無甚關係之人居多而舊刻中每有魚魯夏五郭公謹從闕文之義蓋慎之也

一粵稽古昔帝王多生西北其鍾靈於楚者蓋亦罕矣據紀載而謹書之如昭烈大帝之各爲鼎峙趙宋太祖之時有經行先後未敢擅引

一人物存者不立傳議論未定也其從前人物本傳從畧而大傳則另載之藝文中皆遵秦豫志本傳例也

一列女節孝合而成編最爲繁多而在牒流傳已久恐埋沒一人則如窮巷幽棲乃至併無嗣息而玉燒不毀金鍊彌精者豈不飲恨重泉至

本朝所列節婦未經旌表例應不入然亦有至奇至難可以感泣鬼神而旌表尚有待者按河南志

間亦登載存之足見化逮閭門之盛若其中年例不符者一切未便擅入

一忠臣關綱常倫紀之大義當特表而自來散見於人物名宦中者居多河南志例皆然至於靖節

本朝奉有

恩卹者謹據策以書不敢臆爲編列所以重大典也

一孝義隱逸二項明嘉靖以前於總志獻徵內采取以後各依類編次割股雖不在表章之列然

亦人子之至情謹從例載入至孝子而義士附焉則河南通志卷目定之矣

一知府知縣河南志中不書是以未經備載

一風俗與時移易而大端不殊還醇返樸存乎有位者之風厲耳按州縣所紀其言龐未爲定論謹據史策採錄而近時謠俗不書

一方伎方外總志本傳多有繁雜今雖刪削猶未能盡歸簡約也至總志禪林廣列傳燈語錄者多怪誕不經畧存一二遺蹟以備稽考

一繫地繫人繫時繫事必昭然耳目之前方爲可

憑楚地遼濶聞見難歷今志書雖屬合編而湖北湖南各任分修所以慎覈其實罔敢混淆一藝文所以表山川之名勝紀方輿之故實網羅舊聞採摭遺事非義繫斯土典墳子史槩所不及若夫

當代鉅卿詞客湘帙縹囊名溢海內謹籍其有關於楚地楚事者登以增光拘墟之見君子諒之一雜志有雜辯有備遺按河南志備遺祇載宋元以前事今附入明代異聞及兵寇攻城掠邑諸歲月所以備史策之考從陝志例也

一舊志自明萬曆甲戌以後遂無續刻在籍屢經煨燼蒐輯所至惟有慎以加覈尚論未能悉備

湖廣通志目錄

圖考

卷之一

建置沿革上

卷之二

建置沿革下

卷之三

星野

祥異附

卷之四

疆域

形勢附

卷之五

山川

關津橋梁附

卷之六

風俗

卷之七

城池

卷之八

兵防

卷之九

隄防

卷之十

封建

卷之十一

戶口

卷之十二

田賦上

卷之十三

田賦下

卷之十四

物產

卷之十五

職官上

卷之十六

職官下

卷之十七

公署

卷之十八

學校

貢院書院附

卷之十九

選舉一

卷之二十

選舉二

卷之二十一

選舉三

卷之二十二

選舉四

卷之二十三

選舉五

武勳附

卷之二十四

祠祀

卷之二十五

陵墓

卷之二十六

古蹟 寺觀附

卷之二十七

帝王 后妃附

卷之二十八

名宦一

卷之二十九

名宦二

卷之三十

名宦三

卷之三十一

名宦四

卷之三十二

人物一

卷之三十三

人物二

卷之三十四

人物三

海虞通志  
卷之三十五

人物四

卷之三十六

人物五

卷之三十七

孝義

卷之三十八

列女上

卷之三十九

列女下

卷之四十

隱逸

卷之四十一

流寓

卷之四十二

方伎

卷之四十三

仙釋

卷之四十四

藝文  
御製  
子史  
騷



卷之四十五

藝文二賦

卷之四十六

藝文三古詞曲

卷之四十七

藝文四詩

卷之四十八

藝文五詩

卷之四十九

藝文六詩

卷之五十

藝文七詩

卷之五十一

藝文八表牋

卷之五十二

藝文九疏上

卷之五十三

藝文十疏下

卷之五十四

藝文十一啟頌箴

卷之五十五

藝文十二書

卷之五十六

藝文十三論辨

卷之五十七

藝文十四傳

卷之五十八

藝文十五傳

卷之五十九

藝文十六傳行實

卷之六十

藝文十七序

卷之六十一

藝文十八序

卷之六十二

藝文十九序

卷之六十三

藝文二十序

卷之六十四

藝文二十一記

卷之六十五

藝文三十二 記

卷之六十六

藝文三十三 記

卷之六十七

藝文三十四 記

卷之六十八

藝文三十五 記

卷之六十九

藝文三十六 記

卷之七十

藝文三十七 記 議

卷之七十一

藝文三十八 碑記

卷之七十二

藝文三十九 碑記

卷之七十三

藝文四十 碑記

卷之七十四

藝文三十一 銘

卷之七十五

藝文三十二 墓誌銘

卷之七十六

藝文三十三 考說

卷之七十七

藝文三十四 文

卷之七十八

禠辯

卷之七十九

備遺上

卷之八十

備遺下

湖廣通志

圖考

九州攸同以後其東西爲緯南北爲經者皆禹迹之所旬矣自封建改爲郡縣疆分里析而不下堂階遂盡知天下幅員之數則披圖以考蓋有居重馭輕之勢焉楚固禹貢荊州之域控雍引揚連粵距豫襟帶江漢包絡湖湘其遠近險易繡錯絡繹形勢燦然而我疆我里得以永奉畫一於萬斯年者可按蹟而求矣作圖考志




湖

北

八

東至江西九江府瑞昌縣界五百二十里

北至河南汝寧府




南至岳州

總

山縣界五百四十二里


西至四川西陽宣撫司界一千五百九十里



行界山縣二百二十里

湖廣省

四百里



城圖






東至江西九江府瑞昌縣界五百二十里

武

昌

北至黃州府



南至岳州

府

圖

岡縣界七十里



沙縣界四百里


西至漢陽府漢陽縣界七里

東至武昌府江夏縣界七里

漢

陽

黃府州黃至北



陸安至南

府 里十五界縣

圖



里十四百二界州

西至德安府雲夢縣界二百里

東至江南安慶府界五百二十里

黃

州

北至河南汝寧



南至武昌

府

圖

府界四百七十里



界一百一十一里

西至德安府界二百八十里

安

陸

城北至襄陽府宜城

觀音崖

東至德安府應城縣界二百六十里




南至岳州府臨湘

府界一百二十里

圖

西至荊州府江陵縣界二百五十里




里六百二十五

德

安

北至河南信陽

東至黃州府黃陂縣界一百八十里




南至漢陽府漢川

府

州一百八十里

圖

西至安陸府京山縣界六十里



縣一百二十里


圖考

荆

州

荆州府陸安至北里

東至安陸府沔陽州界二百里




南至岳州府津州

府  
門州界十二里

圖

西至四川巫山縣界六百六十里



一百九十八里

荆州府通志

圖考

荆州府通志


九

東至德安府隨州界二百一十里

襄

陽

府陽南南河至北



門荆府陸安至南

府

里十九界縣野新

圖



里十八百一界州

西至鄖陽府鄖縣界四百四十里

鄭

陽

北至陝西白河

東至河南浙川縣界一百五十里




南至襄陽均

界縣二百里

州界九十里

圖

西至陝西平利縣界五百六十里






二州總圖

縣界七十二里

西至貴州鎮遠府界一千四百二十里




一千四百八十五里

湖南七府


北至武昌府嘉魚

東至江西袁州府宜春縣界六百五十里




南至廣西柳州府融縣

湖南長沙



府城圖式



東至江西袁州府宜春縣界三百五十里



長沙府

北至岳州府 南至衡州府

湘陰縣 瀏陽縣 醴陵縣 攸縣 茶陵州

石柱山 洞陽山 岳山 明月山



常德府

西至常德府 南至衡德府

沅陽縣 湘潭縣 安化縣


石鼓山 隱山

東至江西永寧縣界三百四十里

衡

州

潭湘府沙長至北



州連東廣至南

府 縣界二百三十五里


圖



里十九百四界

西至寶慶府邵陽縣界二百二十里


東至衡州府衡陽縣界二百里



州 永  
陽邵府慶寶至北

富府樂平西廣至南

西至廣西桂林府全州界一百四十里



府 永  
里十七百一界

川縣界四百二十里


圖

圖

府

縣界二百八十里

西至靖州綏寧縣界三百二十里




界一百一十里

慶

寶

北至辰州府溆浦

東至衡州府衡陽縣界一百二十里




南至永州府東

圖

府

利縣界三十里

西至常德府沅江縣界八百二十五里




界二百九十里

州

岳

北至荆州府

東至武昌府通城縣界二百里



南至長沙府

東至長沙府益陽縣界一百六十里

常德

德

北至岳州府澧



南至長沙府安化

州界九十里

圖



界一百二十里

西至辰州府沅陵縣界二百六十里




東至常德府桃源縣界一百四十里



南至寶慶府新化

辰州府 一百八十里




界二百五十五里

西至貴州鎮遠府界六百里

東至江西吉安府龍泉縣界二百五十里

直隸 衡州府 北至



南至廣東韶州府

州 陽縣 界 二百里



界 二百九十里


西至衡州府桂陽州界二百里

西至貴州黎平府界一百里

圖

州

界一百八十八里



縣界一百九十里


東至賓慶府武岡州界二百六十里

直

隸

靖

北至辰州府黔陽




南至廣西柳州府融

西抵酉陽宣撫司界

圖

宣撫司界



八峒界

施

州

北抵石柱




南抵安

東抵荊州府巴東縣界

東抵岳州府慈利縣界

宣 順 永  
永 抵 北



府州辰抵南

慰 定  
界 衛

圖 司




界 縣 陵 沅

西抵保靖宣慰司界

東抵澧州界

九 谿 永 定

北抵添平




南抵慈

二

千戶所界


衛 總 圖



利縣界

西抵安福千戶所界

東抵鎮溪千戶所界




圖考


西抵施州大田千戶所界



流 圖



漢 江



江水源自岷山歷歸州彝陵宜都枝江公安石首統武昌城北過黃州蘄州至九江出境  
漢水源出嶓冢山經鄖縣均州光化統襄陽城北又東南經宜城抵安陸至漢陽大別山入於江  
水歸九江



黃鶴樓在武昌府西南隅世傳仙人乘黃鶴過此雄據江山為楚會大觀



黃

鶴


樓

圖



晴川閣在漢陽府東五里以崔灝晴川歷歷之句名上有禹稷祠

晴川



晴川閣



太和山在均州南一百二十里非真武不足當之又名武當


太 嶽 太



和 山 圖



厲山在隨州城北一百八十里皇甫謐云隨之厲鄉荊州記山有二穴云是神農所生



厲山

圖



圖

樓



雪

白



白雪樓在安陸府治西下臨漢江取宋王對  
楚襄王問陽春白雪之歌名

魯臺山在黃陂縣東宋大儒程顥及弟頤讀書之所嘗登此山眺望東魯下有二程祠

魯

臺



山

圖



胡廣通志 圖考

三

壁 圖



黃 州 赤



赤壁在黃州府城西北隅宋蘇軾泛舟作賦處下有放龜渚徐公洞諸蹟

西塞



西塞山在大冶縣東九十里唐張志和漁父辭西塞山前白鷺飛謂此

山圖





章華臺在荊州府外沙市相傳楚子所築

章華



圖



隆中山在襄陽府城西北二十五里下有隆中書院漢諸葛亮嘗隱於此

隆中




山圖



長沙府嶽麓

嶽麓山在長沙府西北衡山七十二峯之一下有嶽麓書院為朱熹講學處上有禹碑



麓山之圖



禹碑七十七字石刻舊在衡山岫嶺峯後模刻嶽麓山字皆蝌蚪文不可曉楊慎諸人各以意釋未審孰是

承 帝 曰 咨 翼 輔 佐 卿 洲

淵 崇 爾 豳 丞 朋 湯 遺 阿 泚

渚 與 登 鳥 獸 之 門 參 身

厥 興 登 壽 房 未 昭 貞 且

洪 流 而 明 發 爾 興 又 旅

蕙 洲 然 眉 贊 壽 興 昭 且

忘 家 宿 嶽 麓 庭 智 營 形

心 罔 弗 辰 往 求 平 定

華 嶽 泰 衡 宗 疏 事 哀 勞

餘 伸 禮 鬱 塞 昏 徒 南 瀆

衍 亨 衣 制 食 備 萬 國 其

寧 窟 舞 永 奔

寧 窟 舞 永 奔

寧 窟 舞 永 奔

寧 窟 舞 永 奔

寧 窟 舞 永 奔

寧 窟 舞 永 奔

寧 窟 舞 永 奔



九

嶷

九嶷山在寧遠縣南六十里一名蒼梧虞帝陵在焉郭璞曰其山九溪皆相似故名四水會百粵之水注南海五水北注入于洞庭



山 圖



六

亭

六亭山在寶慶府城內六山迤邐故名宋理宗初  
為防禦使時構亭其上飛橋復道最稱佳勝



山 圖



岳

洞庭湖在岳州府西南禹貢九江孔殷謂沉漸  
 元辰叙西澧資湘九水會合故名或曰神仙洞  
 府之庭君山在湖之中以湘君得名岳陽與山  
 對峙湖跨綿亘八百里



陽

樓

圖





桃

源

桃花源在桃源縣白馬浪光之西南桃花  
流水居然僊都為三十六洞天之一



圖

洞



月  
畫  
道  
示  
圖  
考

四  
七

大

西

大酉山在辰谿縣江北舊有藏書千卷相傳避秦人隱此



圖



文明山在柳州治東北三十里峯巒巒  
秀故名上有塔復有亭名第一江山

文明



山圖



寶山  
山


寶溪山在靖州城東北山下有溪水洄  
繞爭流競秀稱一郡大觀



寶溪



山圖



山形



山形

X

